

## ԱՐՁԱՆԱԳՐՈՒԹՅՈՒՆ N 2

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԽՈՐՀՐԴԻ 2018 ԹՎԱԿԱՆԻ ՀՈՒԼԻՍԻ 10-Ի ՆԻՍՏԻ

Մասնակցությամբ՝

ՀՀ Արմավիրի մարզպետի տեղակալներ՝

Ա. Ղուկասյանի

Կ. Գրիգորյանի

Գ. Գաբրիելյանի

ՀՀ Արմավիրի մարզպետարանի աշխատակազմի  
ղեկավարի պաշտոնակատար

Ա. Հովհաննիսյանի՝

ՀՀ Արմավիրի մարզպետարանի ենթակայության  
առողջապահական կազմակերպությունների ղեկավարների

ՀՀ Արմավիրի մարզպետարանի աշխատակազմի  
կառուցվածքային ստորաբաժանումների ղեկավարների

Լրատվամիջոցների ներկայացուցիչների

## Օ Ր Ա Կ Ա Ր Գ ՈՒ Մ ՝

**1. Հայաստանի Հանրապետության Արմավիրի մարզի խորհրդի 2018 թվականի  
հուլիսի 10-ի նիստի օրակարգը հաստատելու մասին.**

/Գ. Միրիջանյան- ՀՀ Արմավիրի մարզպետ/

**2. Հայաստանի Հանրապետության Արմավիրի մարզպետի նորանշանակ  
տեղակալների, մարզպետարանի աշխատակազմի կրթության և սպորտի  
վարչության պետի պաշտոնակատարի ներկայացում:**

/Գ. Միրիջանյան-Հայաստանի Հանրապետության Արմավիրի մարզպետ/

**3. Հայաստանի Հանրապետության Արմավիրի մարզի Վաղարշապատի (Էջմիածին)  
և Արմավիրի քաղաքային համայնքների ղեկավարների պաշտոնակատարների  
ներկայացում**

/Գ. Միրիջանյան-ՀՀ Արմավիրի մարզպետ /

**4. Տեղական ինքնակառավարման մարմինների գործունեության  
հրապարակայնությունն ապահովելու մասին:**

/Ա. Հովհաննիսյան. - ՀՀ Արմավիրի մարզպետարանի  
աշխատակազմի ղեկավարի ժամանակավոր/

**5. Հայաստանի Հանրապետության Արմավիրի մարզի համայնքների սեփական եկամուտների հավաքագրման ու համայնքներում աշխատավարձերի պարտքերի մարման գործընթացը առ 01.07.2018թ դրությամբ:**

**/Վ.Մկրտչյան- ՀՀ արմավիրի մարզպետարանի  
աշխատակազմի ֆինանսական և  
սոցիալ-տնտեսական  
զարգացման վարչության պետ/**

**6.2018 թվականի առաջին և երկրորդ եռամսյակի ընթացքում ՀՀ Արմավիրի մարզի տեղական ինքնակառավարման մարմիններում իրականացված իրավական և մասնագիտական հսկողության վերաբերյալ տեղեկատվություն:**

**/Ա.Հովհաննիսյան-ՀՀ արմավիրի  
մարզպետարանի աշխատակազմի  
ղեկավարի պաշտոնակատար**

**7.Հայտարարություններ.**

**Ա.Այվազյան**

**- ՀՀ Արմավիրի մարզպետարանի  
գյուղատնտեսության և  
բնապահպանության վարչության  
պետ/**

**Ս.Բուդաղյան**

**ՀՀԱրմավիրի մարզպետարանի  
աշխատակազմի կրթության,մշակույթի և  
սպորտի վարչության պետի պաշտոնակատար/**

**Լ.Հարությունյան**

**ՀՀ Արմավիրի մարզպետարանի  
իրավաբանական բաժնի պետի  
պաշտոնակատար**

Օրակարգային առաջին հարցով Արմավիրի մարզպետ Գ.Միրիջանյանը մարզի խորհրդի նիստի մասնակիցների հաստատմանը ներկայացրեց իր սահմանած Հայաստանի Հանրապետության Արմավիրի մարզի խորհրդի 2018 թվականի հուլիսի 10-ի նիստի օրակարգը:

**Հայաստանի Հանրապետության Արմավիրի մարզի խորհուրդը որոշում է՝**

**Հաստատել Հայաստանի Հանրապետության Արմավիրի մարզպետի սահմանած Հայաստանի Հանրապետության Արմավիրի մարզի խորհրդի 2018 թվականի հուլիսի 10-ի նիստի օրակարգը::**

Օրակարգային երկրորդ և երրորդ հարցերին անցնելով՝ ՀՀ Արմավիրի մարզպետ Գ. Միրիջանյանը ներկայացրեց ՀՀ Արմավիրի մարզպետի նորանշանակ տեղակալներ Ալեքսանդր Ղուկասյանին, Կարեն Գրիգորյանին, մարզպետարանի աշխատակազմի կրթության, մշակույթի և սպորտի վարչության պետի պաշտոնակատար Սոնյա Բուդաղյանին, ինչպես նաև Արմավիր և Վաղարշապատ/Էջմիածին/ քաղաքային համայնքների ղեկավարների ժամանակավոր պաշտոնակատարներ Դավիթ Խուդաթյանին և Դիանա Գասպարյանին՝ նրանց մաղթելով բեղմնավոր աշխատանքային գործունեություն:

Օրակարգային չորրորդ տեղական ինքնակառավարման մարմինների գործունեության հրապարակայնությունն ապահովելու մասին հարցի կապակցությամբ ՀՀ Արմավիրի մարզպետ Գ.Միրիջանյանը նշեց, որ ունենք լուրջ խնդիրներ համայնքների համացանցային կայքերի գործարկման հետ կապված՝ առաջարկելով 3000 և ավելի ավելի բնակիչ ունեցող բոլոր համայնքների ղեկավարներին ապահովել համացանցային կայքերի գործարկումը և դրանց միջոցով թափանցիկ գործելաոճի ապահովումը:

**Նա մասնավորապես նշեց, որ համայնքների ղեկավարները հասարակության և մամուլի հետ պետք է աշխատեն բաց և հնարավորինս հրապարակային, օրենքի տարածքին համապատասխան:**

Օրակարգային հինգերորդ հարցը ներկայացրեց մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Վ.Մկրտչյանը՝ ներկայացնելով Արմավիրի մարզի համայնքների սեփական եկամուտների հավաքագրման ու աշխատավարձերի պարտքերի մարման գործընթացը առ 01.07.2018թ դրությամբ: /տեղեկատվությունը կցվում է/

Նա մասնավորապես նշեց, որ հաշվետու ժամանակահատվածում մարզի համայնքների բյուջեների սեփական եկամուտների փաստացի մուտքերը նախատեսված 1122767,9 հազար դրամի դիմաց կազմել է 920293,8 հազար դրամ, կատարողականը՝ 82,0 տոկոս: Ըստ նրա՝ սեփական եկամուտների հավաքագրման մակարդակը 2017 թվականի նույն ժամանակահատվածի համեմատ նվազել է 2,8 տոկոսով:

Վ.Մկրտչյանը ներկայացրեց նաև համայնքներում աշխատավարձերի պարտքերի մարման գործընթացը՝ տեղեկացնելով, որ հուլիսի 1-ի դրությամբ աշխատավարձի պարտք ունի թվով 26 համայնք և այն կազմում է 46004,3 հազար դրամ: Վ.Մկրտչյանը ներկայացրեց խոշոր հարկատուների կողմից տարիներ շարունակ չվճարած հողի հարկին և գույքահարկին՝ տեղեկացնելով, որ այդ հարկատուների մասով չվճարած գումարը կազմում է 260 մլն դրամ:

**ՀՀ Արմավիրի մարզպետ Գ.Միրիջանյանը անդրադառնալով քննարկվող օրակարգային հարցին՝ խիստ կարևորեց սեփական եկամուտների հավաքագրման ցուցանիշների բարելավումը և աշխատավարձերի պարտքերի մարումը: Նա նշեց, որ անհրաժեշտ է ակտիվ և համախմբված աշխատանքներ իրականացնել խոշոր հարկատուների կողմից չվճարված գումարները գանձելու և համայնքային բյուջե**

**մուտքագրելու ուղղությամբ՝ փաստելով, որ այդ գումարներն են նպատակաուղղվելու համայնքներում առկա խնդիրների լուծմանը: Մարզպետը նշեց, որ արտոնյալ հարկատուներ չպետք է լինեն և քննարկվող հարցը գտնվում է և մարզպետի, և ՀՀ Տարածքային կառավարման և զարգացման նախարարի անմիջական հսկողության տակ, առաջարկելով համայնքների ղեկավարներին ամենայն պատասխանատվությամբ վերաբերվել սեփական եկամուտների հավաքագրման գործընթացին՝ և ձեռնարկել համապատասխան միջոցներ դրանք հասցնելու առավելագույնի:**

Օրակարգային վեցերորդ հարցով հանդես եկավ ՀՀ Արմավիրի մարզպետարանի աշխատակազմի ղեկավարի ժամանակավոր պաշտոնակատար Ա.Հովհաննիսյանը: Նա ներկայացնելով ՀՀ Արմավիրի մարզպետարանի աշխատանքային խմբերի կողմից 2018 թվականի 1-ին և 2-րդ եռամսյակներին մարզի տեղական ինքակառավարման 18 մարմիններում սեփական լիազորությունների նկատմամբ իրավական հսկողության, ինչպես նաև քաղաքաշինության, հողօգտագործման բնագավառներում իրականացված մասնագիտական հսկողության արդյունքները: /զեկույցը կցվում է/

Ա.Հովհաննիսյանը ընդգծեց, որ ՀՀ օրենսդրությամբ սահմանված ժամկետներում իրականացված ուսումնասիրությունների վերլուծությունը ցույց է տվել, որ համապատասխան համայնքների ավագանու և համայնքի ղեկավարի գործունեությունը համապատասխանել է ՀՀ օրենսդրության պահանջներին, սակայն ներկայացված բնագավառներում օրենսդրության պահանջների ճիշտ կիրառման գործընթացը ոչ միշտ է եղել պահպանված:

Ա. Հովհաննիսյանի խոսքով՝ համայնքներում իրավական և մասնագիտական հսկողություն իրականացրած մարզպետարանի աշխատանքային խմբի կողմից հայտնաբերվել և արձանագրվել են <<Տեղական ինքնակառավարման մասին>> ՀՀ օրենքով և այլ իրավական ակտերով համայնքի ավագանուն և համայնքի ղեկավարին վերապահված լիազորությունների չպահպանման կամ թերի պահպանման փաստական տվյալներ: Դրանք վերացնելու նպատակով աշխատանքային խմբերի կողմից առաջարկություններ են ներկայացվել համապատասխան տեղական ինքնակառավարման մարմիններին՝ ՀՀ օրենսդրությամբ սահմանված կարգով համայնքի ավագանու նիստերում քննարկելու վարչական հսկողության արդյունքում կազմված արձանագրությունները, և վերացնելու հսկողության ընթացքում հայտնաբերված խախտումները:

Ըստ այդմ՝ համայնքապետերից ստացված տեղեկատվության համաձայն 2018 թվականի 1-ին եռամսյակում վարչական հսկողությամբ արձանագրված խախտումները համապատասխան համայնքներում վերացվել են և ձեռնարկվել են կանխարգելիչ միջոցներ՝ դրանք հետագայում բացառելու ուղղությամբ: Ինչ վերաբերում է 2-րդ եռամսյակում ընդգրկված համայնքներում իրականացված հսկողության արդյունքում արձանագրված խախտումներին, ապա այդ կապակցությամբ շրջաբերական գրություններ են ուղարկվել համապատասխան համայնքների ղեկավարներին՝

արձանագրված խախտումները վերացնելու և տեղական ինքնակառավարման մարմինների իրավակիրառողական և իրավաստիճակ գործունեությունը ՀՀ օրենսդրության պահանջներին համապատասխանեցնելու համար:

ՀՀ օրակարգային հարցերի քննարկման ավարտից հետո ՀՀ Արմավիրի մարզի համայնքերի ղեկավարները իրենց համայնքերի խմելաջրի սպասարկման ոլորտում առկա թերությունների վերաբերյալ իրենց մտահոգությունները հայտնեցին <<Վեոլիա Զուր>> ՓԲԸ Արևմուտք տարածաշրջանի տնօրեն Արամ Սահակյանին, որի առնչությամբ Ա.Սահակյանը տվեց համապատասխան պարզաբանումներ:

Համայնքներում հրդեհավրանգ իրավիճակներից հնարավորինս խուսափելու առնչությամբ հակիրճ խոսքով հանդես եկավ Արմավիրի մարզային փրկարարական ծառայության պետ Հ.Մարգարյանը՝ առաջարկելով համայնքների ղեկավարներին իրենց ազգաբնակչությանը իրազեկելու և բացատրական աշխատանքներ տանելու՝ խտրածածկ տարածքների այրման միջոցով մաքրման դեպքերի վրանգավորության և հրդեհավրանգ իրավիճակներից խուսափելու վերաբերյալ:

Այնուհետև հայտարարությամբ հանդես եկան ՀՀ Արմավիրի մարզպետարանի աշխատակազմի գյուղատնտեսության և բնապահպանության վարչության պետ Ա. Ավագյանը, աշխատակազմի կրթության, մշակույթի և սպորտի վարչության պետի պաշտոնակատար Ս.Բուդաղյանը և իրավաբանական բաժնի պետի պաշտոնակատար Լ.Հարությունյանը:

- Ա.Ավագյանն իր հայտարարությամբ անդրադարձավ մարզում գյուղմթերքի՝ գազարի, կաղամբի, կարտոֆիլի և սոխի իրացման խնդիրներին, ինչպես նաև հակակարգային կայանների գազի լիցքավորմանը և դիզվառելիքին առընչվող հարցերին:
- Ս.Բուդաղյանն իր հայտարարությամբ նշեց, որ ՀՀ Արմավիրի մարզպետի շրջաբերական գրություններով առաջարկվել է համայնքների ղեկավարներին ներկայացնել համապատասխան տեղեկատվություն ՀՀ օրենսդրությամբ սահմանված նախադպրոցական կրթական ծրագրի լիցենզավորման գործընթացի և նախադպրոցական ուսումնական հաստատությունների գործունեության մասին՝ առաջարկելով համայնքների ղեկավարներին պահպանել գրություններում նշված ժամկետները:
- Լ. Հարությունյանը իր հայտարարությամբ անդրադարձավ << Հանրային ծառայության մասին>> ՀՀ օրենքով, << Տեղական ինքնակառավարման մասին>> ՀՀ օրենքով սահմանված ժամկետների և կարգի կիրառմանը, ավագանու անդամների պարտականությունների կատարմանը:

**ՀՀ Արմավիրի մարզպետ Գ.Միրիջանյանը ամփոփելով օրակարգայի հարցերի և հայտարարությունների քննարկումները՝ մասնավորապես նշեց, որ համայնքների ղեկավարները և ավագանիները իրենց լիազորությունների և պարտականությունների շրջանակներում պետք է աշխատեն լինել մաքսիմալ ուշադիր, օբյեկտիվ, պատասխանատու և անաչառ, անեն հնարավորինս բնակչի**

**հոգսերն ու խնդիրները թեթևացնելու համար: Մարզպետն անդրադարձավ նաև համայնքների ղեկավարների աշխատակազմերի և համայնքային ծառայողների արձակուրդներին որոնք, պարտադիր կարգով պետք է տրամադրվեն համապատասխան ժամկետներում:**

Օրակարգային հարցերի ու հայտարարությունների համապատասխանաբար քննարկման ու ամփոփման ավարտից հետո ՀՀ Արմավիրի մարզպետ Գ.Միրիջանյանը մարզի խորհրդի նիստը հայտարարեց ավարտված:

04.08.2018

X 

VERIFIED OCSP 04.08.2018 13:18:32 GMT+4

Подписано: MIRIJANYAN GAGIK 2608810403

**ՄԱՐԶՊԵՏ՝  
Գ. ՄԻՐԻՋԱՆՅԱՆ**

**Արձ.՝ Մ.Առուշանյան**